



Data, 23 Juñu 2021

MUDANSA PERSENTAJEN ÍNDISE PRESU KONSUMEDÓR FULAN-MAIU, 2021
Data pública: 24 Juñu 2021

Mudansa persentajen **Índise Presu Konsumedór (IPK) Grupu Hotu mensál sa'e (+0.5%)** ba **fulan-maiu, 2021, kompara ba fulan-abril, 2021 sa'e mós (+0.6%)**. Mudansa presu grupu hotu (+0.5%) tanbá hetan kontribuisaun husi grupu **Hahán no Bebidas la'ós Alkólíka (+0.9%)**, **Transporte (+0.1%)**, no **Uma (+0.1%)**. Grupu **Ekipamentu no Manutensaun Mobiláriu Uma-Laran (-0.6%)**, **Alkóhol no Tabaku (-0.2%)**, no **Komunikasaun (-0.1%)** sai hanesan mudansa kontrariu ba inflasaun grupu hotu. **Hahán no Bebidas La'ós Alkólíka** sa'e tanbá hetan impaktu maioria husi sub-grupu **Modo-Tahan (+4.4%)**, **Mina no Bokur (+0.4%)**, **Foos (+0.1%)**, no **Masin-Midar, Marmelada, Bani-ben, Cokolate no Hahan-Midar (+0.7%)**. **Susubeen, Keiju no Manu-tolun (-1.9%)**, **Ikan no Hahán Tasí (-0.1%)** no **Produutu Ai-hán (-0.1%)** sai hanesan mudansa kontrariu ba inflasaun grupu Hahán no Bebidas La'ós Alkólíka.

Mudansa persentajen **IPK anuál sa'e (+3.6%)** kompara entre fulan-maiu, tinan-2021 ho fulan-maiu, tinan-2020, hetan kontribuisaun husi grupo **Hahán no Bebidas la'ós Alkólíka (+5.9%)**, **Alkohol no Tabaku (+7.4%)**, **Transporte (+1.1%)**, **Uma (+0.5%)** no **Hataís no Sapatu (+0.1%)**. **Ekipamentu no Manutensaun Mobiliáriu Uma-Laran (-1.1%)**, **Komunikasaun (-0.1%)** no **Rekreasaun no Kultura (-0.1%)** sai hanesan mudansa kontrariu ba **anuál maiu 2021**.

Inflasaun Tradeable sa'e (+0.6%) no **Non-Tradeable sa'e (+0.1%)** iha mensál kompara entre fulan-maiu, tinan-2021 ho fulan-abril, tinan-2021.

Inflasaun Tradeable sa'e (+4.3%) no **Non-Tradeable sa'e (+2.2%)** iha anuál kompara entre fulan-maiu, tinan-2021 ho fulan-maiu, tinan-2020.